

北边备对

程大昌

文硕阁

wenshuoge.com

目录

关于我们	3
序	5
北边备对	6

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

序

淳熙二年臣大昌备数讲官因讲禹贡寿皇问曰卿言中国山川悉矣北方地里亦能详知之否大昌对曰塞外无文史间有可传者多弗详实臣安敢强以不知为知也后暨绍熙大昌乃得奉祠家居无为常愧前此浅学无以酬塞顾问追采古来中华北狄枢纽相關者条列而推言之则北方事虽不尽知而亦可云涉猎矣初时奉训指问者惟北狄故专主北以言不容杂举他方也绍熙辛亥八月新安程大昌叙

北边备对

四海

四海之边中国者在山东则为东海在广南则为南海人人得而闻见不待证说矣若夫禹迹所及西境流沙而极不言西海东北尝至碣石而北海之名不着于经则谓外薄四海讫于四海者如之何而四也汉武帝事远有效使命方行四表故西北二海遂有身歷而目击之者矣非道聽涂说之比也于是条支之西有海焉先汉使命固尝见之而入诸史矣后汉班超又尝遣甘华輩亲至其地也至于西海之西又有大秦者焉【即波斯也】夷人之与海商皆尝往来若夫北海则又其甚遠者矣而霍去病之封狼居胥山也其山实临瀚海者北海也苏武郭吉皆为匈奴所幽寘诸北海之上而唐史所载又曰突厥部北海之北更有所谓骨利干之国焉在海北岸也然则诗书所称四海者实皆环夷夏而四之非寓言矣若夫西北二方有西海栢海青海蒲类海蒲昌海居延海白亭海鲜水海皆尝并海立称矣然要其实致则众水鍾为大泽如洞庭彭蠡之类故借海以名之非真海也李吉甫辨白亭海而曰河北得水便名为河塞外有水便名为海其说确也班固叙张掖之水曰羌水出羌中东北至居延入海则真以居延为海矣

汉縁邊九郡

五原【盐州】朔方【夏州】云中【云州】代郡【鴈门】定襄【忻州】北平【平州】上谷【易州】渔阳【蓟州】

秦汉河南汉

史凡记三辅以及虏事而曰河南者非洛阳河之南也上郡北地陇西朔方西河皆在积石丰胜龙门三河之南故曰河南也

北边名号

北狄者太王之獯鬻宣王之玁狁幽王之犬戎桓公之山戎也为其居四夷之北故总名北狄也至战国遂有林胡乌桓之先也后为鲜卑至汉初东胡遂为冒顿所并而冒顿国于东胡之西即汉世之匈奴也汉史之叙北狄事自秦以前皆名为犬戎而史记李牧传已有匈奴之名则狄人以匈奴为国号久矣若以时世求之则蒙恬所郅之胡其酋长即头曼也故汉史曰头曼不胜秦而北徙头曼者冒顿之父也头曼之时已称单于后又增称撑犁孤涂单于史着其义曰撑犁者天也单于者广大之貌也自秦至汉在北最强者惟此一族他族虽盛莫之与京也后魏之世蠕蠕社崙始改称单于为可汗者其拟则皇帝也故唐高宗曰今之可汗古单于也突厥也者本匈奴之北部居金山之阳以鐵工属蠕蠕已而益大改称突厥突厥者兜牟也以兜牟名国明其肇迹于兵也唐初颉利大盛所据之地三垂薄海南抵大漠其地正与华夏对立而力亦相抗唐自突厥以外其强大能与中国抗力者薛延陀回纥沙陀吐谷浑四种最

大若吐蕃虽尝侵入北境其实西戎也

契丹

五代史曰契丹在潢水之南黄龙之北鲜卑故地或云亦鲜卑别种战国之世命为东胡者是也及阿保机并小族称帝援立石晋又得其所割鴈门以北幽州节度管内十六州盖其地东北有卢龙塞西北有居庸關中国恃此以限界北狄自十六州既割之后山险皆为所有而河北尽在平地无险可以拒守矣

回纥【九姓】

唐史回纥者其先匈奴也后呼鐵勒薛延陀者回纥之部落也贞观初突厥已亡惟回纥与薛延陀为最雄强已而回纥攻薛延陀并有其地遣使献功太宗为幸灵州次涇阳受其功乃以回纥部为瀚海部督多质葛部为燕然部督九六部督天寶初回纥之臣裴罗袭破拔密自称骨咄祿毗伽欵可汗天子以为奉义王居突厥故地徙牙乌德鞬山南去高阙无二千里则去塞甚不遠而又尽九姓之地九姓者曰乐葛罗曰胡咄葛为族凡九也其后裴罗又杀白眉可汗得地愈广尽得古匈奴地肃宗初遣兵助广平王收长安帝以幼女妻之此在唐之中世北方最强者也

匈奴庭

匈奴之族虽曰逐水草迁徙不常然亦择形势便利据一地以为之庭犹中国之有京邑也遇战争游猎则随事而出事已复归其旧其设险据要略与中国同惟不建筑城郭则大异耳

北狄无城郭

东西南三夷皆以有城郭为固至于北夷则以不立城郭为武韩安国曰匈奴轻疾悍亟之兵也至如飊风去如收电居处无常难得而制汉叙西域诸国有城郭国有行国城郭则其筑城有守者也行国则不立城郭而以马上为国者也

突厥建牙

匈奴屯聚之地则曰置庭突厥兵师所驻即曰建牙其实一也

黄河四大折

黄河自盐泽西来暨达潼關其面势所向凡四大折或与北狄分境或当北狄来路其初一折由积石而径湟中则鄯兰也是一折也及至灵州西南遂转北而行凡千余里此河西岸即为凉肃甘沙四郡是又一折也迨其北流千里而遥至九原丰州则又转而东流故丰州北面正

挂大河是又一折也丰州之东为榆林北境固抵大河而河从此州之东又转而南故胜州北东两面皆抵大河也自此而往直至潼關皆是河南矣此又一折也

长城

古来筑长城以扞北边者四世燕赵秦隋也秦制多承燕赵而隋氏不尽因秦也史记燕城起于造阳而至襄平辽阳造阳者上谷地也襄平者辽东县也辽阳者辽水之北也皆燕国沿边之地故其建筑亦在此地也赵之城则自代地而西属于高阙代者鴈门郡也高阙者灵州北流河之西阴山之上游也赵武灵王国于云代故其备胡之城但能并河而西以极乎赵境耳至秦已并六国天下为一西自上郡北地而东至辽东西悉为秦有故蒙恬之致役也西起临洮则中国极西之地也北属辽东则中国极东之地也自东迄西殆万余里无论燕赵之与岷兰其在当时盖无一地而无长城也于是会合三制而要其所宿则秦城之长固周乎中国之北矣然审而求之则其城不皆秦筑也秦但补筑使足耳元和志曰开皇长城自代之繁峙县北经蔚州北十里入飞狐县夫其自代而蔚则极北而边匈奴中国之地不出此外秦人为城以城中夏胜地固当在此矣志又曰开皇城起岚州合河县经幽州皆因古迹修筑夫岚州者楼烦郡也初为胡地后为赵惠文所取则合河县固可立城矣幽州者战国时属燕地则非赵人所得有何由可施版筑也是前乎燕赵别有筑之者史所不传故槩言因古迹修筑也以此知古事湮落无载者多也元和志又有大业城在灵州懷遠县界河外则越积石河而北秦无此迹矣

大漠

汉赵信既降匈奴与之画谋令遠度幕北以要疲汉军故武帝必欲越漠征之而大漠之名始通中国也幕者漠也言沙磧广莫望之漠漠然也汉以后史家变称为磧磧者沙积也其义一也

玉门阳關

汉之两關皆在炖煌郡寿昌县通典曰汉龙勒县也玉门在县之北阳關在玉门之南故曰阳一县而设两關者自此而趋西域有南北道故也

居庸關

太行山南自河阳懷县迤邐北出直至燕北无有间断也此其为山不同他地盖数百千里自麓至脊皆陡峻不可登越独有八处羸通微径名之曰陁居庸關也者即其最北之第八陁也此陁东西横亘五十里而中间通行之地才阔五步即李左车谓井陘车不得方轨骑不得成列其险可以类推也

天山

天山即祁连山也又名时漫罗山又名祁漫罗山盖北语谓为祁连也时漫罗也祁漫罗也皆天也通典元和志于张掖县既着祁连山矣而伊西庭三州皆有此山则是自甘张掖而西至于庭州相去三千五六百里而天山皆能周徧其地则此山亦广长矣

阴山

汉朔方之北云中之南代郡之西高关之东有阴山焉又有阳山焉汉书音义曰阳山在河北阴山在河南予以史汉本文考之始知阴山阳山皆在丰胜河之北谓为河南者误也

燕然山

后汉和帝永元元年窦宪与耿种出朔方鸡鹿塞至涿山与南匈奴兵合宪分遣精骑与战于稽落山大破之八十一部俱降遂登燕然山去塞五千余里刻石勒功纪汉威德若夫燕然山者必在速邪乌之地而速邪乌必在漠北而非蓟之燕山也

焉支山

霍去病元狩三年出陇西有功武帝曰骠骑涉狐奴转战六日至焉支山千有余里合短兵鏖战皋兰下通典甘州删丹县有焉支山匈奴失之乃歌曰失我焉支山使我妇女无颜色说者曰焉支阏氏也今之燕脂也此山产红蓝可为燕脂而阏氏资以为饬故失之则妇女无颜色其说或然也

浚稽山

应邵曰浚稽山在武威塞北匈奴以为蔽障路

金山

隋唐间突厥阿史那氏得古匈奴北部之地居金山之阳

贺兰山

贺兰山在灵州保静县山有林木青白望如骏马北人呼驼马为贺兰